



欽定皇輿西域圖志

ル 5
104
17

ナ
七



欽定皇輿西域圖志卷之二十八目錄

水五

天山南路二

塔里木郭勒


哲克得布拉克

哈喇布拉克

博羅和碩郭勒

木什訥斯騰

特們郭勒



卷五
204
17

所錢支
有物那

赫色勒郭勒

特爾墨楚克郭勒

雅瑞雅爾諤斯騰

喀什噶爾達里雅

察罕烏蘇

哈喇庫勒

葉爾羌諤斯騰

聽雜阿布諤斯騰

哈喇烏蘇

二十八日

提斯袞諤斯騰

庫森諤斯騰

和闐達里雅

玉隴喀什郭勒

哈喇喀什郭勒

阜窪勒諤斯騰


克爾雅郭勒

葉什勒庫勒

烏蘭庫勒

布隆庫勒

葉什勒庫勒淖爾



欽定皇輿西域圖志卷之二十八

水五

天山南路二

塔里木郭勒

塔里木郭勒在阿克蘇東南三百里。西域大川。源出葱嶺者二。喀什噶爾達里雅。葉爾羌。謬斯騰。皆東流。出南山者一。和闐達里雅北流。出北山者一。阿克蘇郭勒南流。咸會於此。合而東流。六百餘里。統名塔里木郭勒。又東入額爾勾郭。

勒。又東入羅布淖爾。

按水經載南河東北逕扞彌國北。又北河東逕姑墨國南。姑墨故地在拜之西。阿克蘇之東。塔里木郭勒經其南。踰河入沙磧。地屬于闐東境。爲古扞彌國地。正當塔里木郭勒之北。是水經所謂東逕姑墨國南。扞彌國北者。應指塔里木郭勒而言也。又按塔里木郭勒西承喀什噶爾。葉爾羌。于闐諸河。自爲古河源。合流東注之始。水經注所載。與今形勢頗

本合。自杜佑作通典。以水經爲非據。而後人因之。駁辨紛如。轉滋岐誤。茲爲摭錄佑說。而詳訂之如左。

〔杜佑通典〕水經所云河出崑崙山者。宜出於禹本記。山海經所云。南入葱嶺。及出于闐南山者。出於漢書西域傳。而酈道元都不詳正。所注河之發源。亦引禹記。山經釋法明遊天竺記釋氏西域記所註。南入葱嶺。一源出于闐山。合流入蒲昌海。雖出漢書亦不尋究。又水經云出海外

南至積石山下。有石門。然後南流入葱嶺。據此則積石山當在葱嶺之北。又云入塞過敦煌酒泉張掖郡南。並非郡地也。夫山水地形固有定體。自葱嶺于闐之東。至敦煌酒泉張掖之間。華人來往非少。從後漢至大唐。圖籍相承。註記不絕。大磧距數千里。未有桑田碧海之變。陵遷谷移之談。此處豈有河流。纂集者不詳斯甚。又按禹導河積石者。堯時洪水。下人昏墊。禹所開決。本救人患。積石之西。砂鹵之地。河流小。地勢復

高。不爲人患。此以施功發跡。自積石山而東。則今西平郡龍支縣界山是也。固無禹理水之功。自葱嶺之北。其本記荒唐。撰經者取爲準的。班固云言九州者尙書近之矣。誠爲愜當。其漢書西域傳云。一源出葱嶺。一源出于闐。合流東注蒲昌海。皆以潛流地下。南出積石爲中國河云。比禹記山經。猶較附近。終是紕繆。按此宜惟憑張騫使大夏。見兩道水從葱嶺于闐合流入蒲昌海。其于闐出美玉。所以騫傳遂云窮河源也。

按古圖書名河所出曰崑崙山。疑所謂古圖書卽禹本記以于闐山出玉乃謂之崑崙。卽所出便云是河也。窮究諸說悉皆謬誤。孟堅又以禹貢云導河自積石遂疑潛流從此方出。且漢時諸羌種衆雖多不相統一未爲強國。漢家或未嘗遣使詣西南羌中。或未知自有河也。寧有今吐蕃中河從西南數千里向東北流。見與積石山下河相連。聘使涉歷無不言之。吐蕃自云崑崙山在國中西南。則河之所出也。又按尙書云。

織皮崑崙析支渠。搜西戎卽敘。又後漢書云羌在漢金城郡之西南。濱於賜支。續漢書曰河關西可千餘里有典羌謂之賜支。蓋析支也。然則析支在積石之西。是河之上流明矣。崑崙在吐蕃中。當亦非謬。而不謂河之本源。乃引蔥嶺于闐之河。謂從蒲昌伏流數千里。至積石方出。斯又班生之所未詳也。佑以水經僻書。代人多不知覩。或有好事者。於諸書中見有引處。謂其審正。此殊未之精也。

按蔥嶺河源之說。疑之者始於杜佑。而宋歐陽忞。元潘昂霄因之。皆緣西域未隸版圖。是以無從審正。今蔥嶺于闐咸隸版籍。兩河合流之蹟。較若列眉。有可與山經水注諸書相發明者。考水經稱河水出海外。南至積石山下。有石門。河水冒以西南流。此指河源之發於積石山者。下云河水又南入蔥嶺山。此指河源之發於蔥嶺于闐者。一出海外而南行。一入蔥嶺而東注。上下文義各別。而佑引經

文。則云南至積石山下。有石門。然後南流入蔥嶺。強加然後二字。使語氣混淆。而因申其說。以爲積石山不當在蔥嶺之北。不知水經原文。固未嘗云積石山在蔥嶺北也。漢書西域傳。稱西域三十六國。南北有大山。中央有河。今自蔥嶺以東。和闐。葉爾羌。喀什噶爾。阿克蘇。赫色勒。諸河。羣流東下數千里。按諸水經。一一昭合。而佑則以爲自蔥嶺于闐。至敦煌。酒泉。張掖。惟是大磧數千里。並無河流。其

爲紕繆。更自顯著。史記載漢使窮河源。河源出于竇。其山多玉石。天子案古圖書。名河所出山曰崑崙者。史記本意。直云當時漢天子。強名于闐山爲崑崙。未嘗以此爲真崑崙也。積石。蔥嶺。于闐。皆河所自出。謂之河源者。言崑崙之源。於此乎發現耳。水經旣云河出崑崙墟。南至積石山下。又云河水南入蔥嶺山。又一源出蔥嶺。于闐河與之合者。見此二水同源崑崙。而並行不悖。又曷嘗專主蔥嶺于

闐之河。而謂積石以上。非河源所在耶。佑於水經原文。未暇詳審。亦未覩西域水道全局。未肯執其偏端。漫以古人爲不足述。至宋元以來。蠱襲謬承訛。亦惟佑說爲之先導。有不足深論者已。西北山中東南。崑崙圖於西南。二十哲克得布拉克。崑崙王漢車國輿圖於西南。二十哲克得布拉克。在齋都伯西南四十里。源出北山南麓。

哈喇布拉克。

哈喇布拉克。在哲克得布拉克西南四十里。源出北山南麓。

博羅和碩郭勒。

博羅和碩郭勒。在玉斯屯阿喇圖什西南二十里。源出西北山中。東南流。過阿喇圖什而止。不通大河。

木什謬斯騰。

木什謬斯騰。在喀什噶爾城北。源出赫色勒郭勒北山中。東南流。過喀什噶爾城北。會赫色勒

郭勒。入雅滿雅爾謬斯騰。

特們郭勒。

特們郭勒。在木什謬斯騰北。源出北山。東西二源。合而東南流。入木什謬斯騰。

赫色勒郭勒。

赫色勒郭勒。在喀什噶爾城南十五里。源出北山麓。東南流。會特爾墨楚克郭勒。入雅滿雅爾謬斯騰。

特爾墨楚克郭勒。

特爾墨楚克郭勒。在赫色勒郭勒南五里。西北山下。同源異流。在北為赫色勒。南即此河。東南流二百里而復合。同入雅滿雅爾鄂斯騰。

雅滿雅爾鄂斯騰

雅滿雅爾鄂斯騰。在特爾墨楚克郭勒南二十里。源發蔥嶺。出山東流。經塔什巴里克城南。名此河。又東北流。經喀什噶爾城南。赫色勒。特爾墨楚克。二水合流。北來會之。名喀什噶爾達里雅。

喀什噶爾達里雅

喀什噶爾達里雅。在喀什噶爾城南五十里。即雅滿雅爾之下流。西北會赫色勒。特爾墨楚克。兩河之水。又東行五百里。逕巴爾楚克城南。又東行六百里。北會阿克蘇郭勒。南會葉爾羌鄂斯騰。和闐郭勒。入塔里木郭勒。

察罕烏蘇

察罕烏蘇。在英噶薩爾城南五里。源出西山。東流百餘里。過英噶薩爾而止。不通大河。

哈喇庫勒。

哈喇庫勒。卽雅璊雅爾。諤斯騰上流。在烏魯阿喇特達巴西北。有兩源。出北山中。合流南行至此。渟瀦成澤。周圍百餘里。又東出爲雅璊雅爾。諤斯騰。

葉爾羌。諤斯騰。

葉爾羌。諤斯騰。在葉爾羌城北五十里。源出西南蔥嶺中。屈曲出山。東北流分爲二道。過葉爾羌城南。名哈喇烏蘇。又東行。復合爲一。南會聽

雜。阿布。諤斯騰。東北行六百餘里。入塔里木額爾。勾。郭勒。東注羅布淖爾。

漢書西域傳。河有兩原。一出蔥嶺山。

水經。北河又東。逕莎車國南。

按葉爾羌爲古莎車國地。葉爾羌郭勒。經流城南。應卽水經所謂北河逕莎車國南者。且莎車於後漢時。雄長西域。兼龜茲。滅焉塞。其國之北境。關地旣廣。則河流固當在國之南境矣。其源出於西北蔥嶺。卽漢書所謂河原

一出葱嶺者。証諸形勢。灼然不誣。至其下流歸墟之處。東流千里。詳見塔里木郭勒額爾。勾郭勒羅布淖爾諸條下。

聽雜阿布諤斯騰。

聽雜阿布諤斯騰。在葉爾羌城東南五十里。源出庫克雅爾塔克。北流出山。經沙圖伯什阿里克。托古斯恰特比。會哈喇烏蘇。入葉爾羌諤斯騰。

哈喇烏蘇

哈喇烏蘇。舊音喀喇烏蘇。源出葉爾羌城。西蔥嶺中。東流逕城東。乾隆二十三年十月。將軍兆惠攻圍葉爾羌城未下。從城東率師渡哈喇烏蘇。進兵城南。兵過河纔四百餘。賊擁衆四五千騎迎戰。持鳥鎗長鎗在前。步行之賊。分持棍棒瓜斧在後。彌望無數。兆惠等以兵分三隊。將軍居中。副都統由屯居右。鄂木布居左。三隊齊進。直衝賊陣。將領親冒矢石。爲士卒先。呼聲震天。賊騎兵敗走。分兵前後迎戰。兆惠等奮勇衝擊。

賊騎敗已又分兵從兩旁來犯我師馬力絀不能馳驟總兵高天喜副都統三格侍衛鄂實特通額死之因復踰哈喇烏蘇而東固守大營築堡堅壘鼓厲士氣上下一心賊時於堡外濬濠築臺決水灌營掘隧潛進百計掩襲我師隨機應禦三閱月無稍懈者復於營中掘得糧窖拾取鎗礮鉛丸日久士無飢色兵氣彌利賊驚以為神會阿里袞奉旨解馬千匹馳至富德等亦統新調兵自阿克蘇南

下大敗賊於呼拉瑪舊音呼兆惠等聞營北鎗

礮聲遂駕雲梯選兵分兩翼直衝賊人負固處

焚燒賊臺殺賊千有餘人富德等亦分中軍兩

翼自外殺賊三百餘人兩軍乃合還阿克蘇

御製黑水行己卯

喀喇烏蘇者唐言黑水同去年我軍薄回穴強弩之末難稱雄築壘黑水待圍解詎人力也

天幘幪明瑞馳驛踰月到毅勇承恩公明瑞孝賢皇

爾羌抵京路萬五千里疾馳踰月而至面詢其故悚

予衷蜂蟻張甄數無萬三千餘人守從容密米濟軍

軍氣壯奚肯麥麴山鞠翳引水灌我我豫備

逆回導渠淹我

營壘將軍兆惠等豫開溝引之入河且轉資其用反資衆飲用益豐銃不中

去聲人中營樹何至析骸薪材充著木銃鐵獲萬億

賊據

高施銃鉛丸全集營樹上我軍斫木為薪木中得鉛丸萬億即取以擊賊斃賊無算翻以擊賊

賊計窮先是營內所穿井圍將解乃智其中聞言為之悵諸臣實鞠躬隨復為之感

天眷信深崇敬讀

皇祖實錄語所載曾聞我

太宗時明四總兵來戰正直大霧彌濛敵施火礮樹

皆燬都統艾塔往視攻回奏敵礮止傷樹我兵曾無

傷矢弓匪今伊昔蒙

帝佑觀揚

前烈勵予冲詎人力也

天帡幪大清寰海欽皇風

御製惜陣亡總兵高天喜詩

庚辰有序

喀喇烏蘇之役我師渡河猝被賊遮時總兵高

天喜奉將軍令董率修橋在後聞將軍陷陣中

乃捨橋衝入賊陣以致陣亡推恩優卹如例凱旋備悉其事詩以惜之

始由小校出從征優擢奇雄至總兵留後修橋恥苟活復前入陣遂捐生綠旗中祇一人實絕域外傳千載名裏血結纓寧讓古詩非獎勇獎忠誠

提斯袞諤斯騰。

提斯袞諤斯騰。在葉爾羌諤斯騰東十里。橫當孔道。不通大河。

庫森諤斯騰。

庫森諤斯騰。在提斯袞南五里。河身深廣。不通

大河。

和闐達里雅。

和闐達里雅。源出皮什雅南五十里。南山中。北流將近皮什雅城南。分爲二道。夾城而過。城東曰玉隴哈什郭勒。城西曰哈喇哈什郭勒。俱北流四百里。至喀提里什。兩河交會。是爲和闐達里雅。又北流五百里。西會葉爾羌諤斯騰。折而東流千有餘里。入羅布淖爾。又和闐達里雅北

流盡處。別有支河。通葉爾羌。亦名哈喇烏蘇。

史記大宛傳。鹽澤潛行地下。其南則河源出焉。

多玉石。又云漢使窮河源。河源出于資。其山多

玉石。采來。天子案古圖書。名河所出口崑崙云。

漢書西域傳。河有兩原。一出于闐。在南山下。其

河北流。與蔥嶺河合。東注蒲昌海。

水經注。南源導于闐南山。俗謂之仇摩置。自置

北流。逕于闐國西。又西北流。注於河。即經所謂

北注蔥嶺河也。

按漢書稱從鄯善傍南山北波河西行至莎

車為南道。所謂河者。當指和闐達里雅而言。

水經注所謂仇摩置者也。魏書于闐國有樹

枝水。一名計式水。即黃河也。應亦指河闐達

里雅而言。

玉隴哈什郭勒

玉隴哈什郭勒。為和闐達里雅上流。出皮什雅

南五十里南山中。與哈喇哈什郭勒分道。經皮

什雅城東。北流六十里。至玉隴哈什城南。又分

爲二。夾城流六十里。復合爲一。北至喀提里什東。哈喇哈什郭勒。自西南來會之。入和闐達里雅。其經流玉隴哈什城東。處長三里。出白玉。

魏書西域傳于闐城東三十里有苜拔河。

唐西域記王城東南百餘里有大河西北流。國人利之以用溉田。其後斷流。王深怪異。羅漢曰是龍所爲耳。宜速祠求。當復昔利。祠祭河龍。忽有一女。凌波而至。求選大臣。以爲配偶。大臣入河。履水不溺。濟乎中流。麾鞭畫水。水爲中開。白

馬浮出。負一梅檀大鼓。懸城東南。若有寇至。鼓聲先震。河水遂流。至今利用。歲月浸遠。龍鼓久無。舊懸之處。今仍有鼓。池側伽藍。荒圯無僧。

按今玉隴哈什郭勒。在額里齊城東南境上。北入和闐達里雅。中分兩流。行六十里而復合。其西流爲魏書所載樹枝水。則東流應屬苜拔河也。又唐西域記稱王城東南有大河。應指今玉隴哈什北通和闐之河。第今額里齊城東境。距河甚近。則所謂東南百里者。當

指發源之處而言。今負郭土田。悉資引灌。溉田之利。記志非爽。惟和闐不奉佛教。仰蒙聖訓精詳。鏡示萬古。羅漢伽藍。均難徵信。而龍女求配。尤近於誣。象教所編。聊資聞見而已。

哈喇哈什郭勒。

哈喇哈什郭勒。亦和闐達里雅上流。與玉隴哈什郭勒同源異流。經皮什雅城西北。流六十里。至哈喇哈什城南。亦分爲二。夾城而流。城東之河。距城二里。東北流至喀提里什。入于和闐達

里雅。哈喇哈什城東。有河三處。並長三十里。出青玉。

魏書西域傳于闐國。城東二十里。有大水北流。號樹枝水。卽黃河也。一名計式水。城西五十五里。亦有大水。名達利水。與樹枝水會。俱北流。晉高居誨使于闐記。河源所出。至于闐分爲三。東曰白玉河。西曰綠玉河。又西曰烏玉河。三河皆有玉而色異。每歲秋水涸。國王撈玉於河。然後國人得撈玉。

按樹枝水。即今玉隴哈什郭勒。達利水。即今哈喇哈什郭勒。水流分合。及兩水東西相距。以古驗今。若合符節。又水有主輔。此水自以樹枝為主。而達利會之。宋史載于闐玉河。全用居誨語。而云其國貢使云然。明史因之。於采玉則用唐書月光盛處得玉之文。蓋史家未嘗身歷其境。承用舊籍。自不能有所正定也。今考玉隴哈什河在東。出白玉。哈喇哈什河在西。出綠玉。是白玉綠玉兩河。信而有徵。

所謂烏玉河者。以地位求之。應即今阜窪勒。諤斯騰。然未嘗出玉。又回語謂黑為哈喇。則哈喇哈什。又應屬古之烏玉河也。土人或言玉本生南山中。山水漲發。隨流入河。豈能取有常處。玉有定色。然顏延之詩。璇源載圓折。玉水記方流。凡玉固有生於水者。何疑於于闐之玉乎。其水四時有玉。當秋水涸。取之為易。唐書視月光得玉。亦未必然。

阜窪勒諤斯騰。

阜窪勒諤斯騰。在哈喇哈什西。即哈喇哈什河
分流北行百餘里而止。不通他水。

克爾雅郭勒。

克爾雅郭勒。源出克爾雅城東北山中。南流經
二百餘里。通葉什勒庫勒。

葉什勒庫勒。

葉什勒庫勒。源出南山中。周迴成大澤。克爾雅
郭勒南流入之。

唐西域記。媿摩川東入沙磧。行二百餘里至尼

壤城周三四里。在大澤中。澤地熱濕。難以履涉。
蘆草荒茂。無復途疆。惟趣城路。僅得通行。故往
來者。莫不由此城焉。

唐書西域傳。于闐東三百里有建德力河。

按媿摩川為今車噶城西境之河。則由是東
行二百餘里。為尼壤城。當即今克爾雅城。所
謂大澤。應即今葉什勒庫勒。克爾雅郭勒。應
即西域傳之建德力河。其東即古拘彌國地。
烏蘭庫勒。

烏蘭庫勒在和闐西境葱嶺中。周圍五十餘里。不通他河。

布隆庫勒。

布隆庫勒在阿喇楚勒

舊音阿爾改。楚

西百餘里。

周圍五十里。自拔達克山界內北流至此。匯成

巨澤。居山谷間。

按唐書西域傳。喝盤陀都城負徒多河。喝盤陀。爲今塞爾勒克。喀爾楚迤西諸境地。則所謂徒多河者。應屬布隆庫勒上流。左行分出

之河。故得依山負險而立國於此也。

葉什勒庫勒淖爾。

葉什勒庫勒淖爾。舊音伊西洱庫爾淖爾。在布隆庫勒西四十里。水勢深廣。萬山環繞。北通安集延。西限葱嶺。南抵拔達克山。副將軍富德窮追逆回波羅泥都。霍集占。至此。奔拔達克山。遣使索俘。二酋旋授首。淖爾之上。勒碑紀功以示萬世云。

御製平定回部勒銘伊西洱庫爾淖爾碑文

機有視若失而反得智者之所勦而愚者之所惑也
事有初若勞而終逸壯者之所劬而懦者之所怯也
若夫定全回殲二會戰無不克攻無不取皆二將軍
及諸叅贊以及行間眾將士之力也然予亦有所深
慰於其間者則以五年劬宵旰運籌狎至實未敢
偷安於頃刻也幸我武保定庶因答

乾賦慰

先志且以免浮議之指斥也伊西洱庫爾淖爾者我副
將軍富德等窮追二會至拔達克山之界獲其降者

萬人二會僅以身免而遣使索俘遂得獻馘振旅以
成茂勦也其地倚山臨水單騎可容而我突將無前
四甄並發如入無人之域也賊眾首尾不能相顧豎
我回纆以招之降者鋪崖以來霍集占持刃止之或
且反戈倒戟也是以二會見事不成拔身遠跳駢突
而喙息也先是蹙之於霍斯庫魯克襲之於阿爾楚
爾無不以少勝眾批亢擣堅桓桓之士真如驅虎豹
而逐狸兔纏頭碩鼻者流皆悞悞跟跟見卽辟易也
是以先聲異域駭其跳盪遮逆助順用攫重輜而獻

兇級也。我兵未深入，拔達克山境者，則以討逆之師，不蹂無罪之地。姑遣使焉，彼或曉逆順，亦將擒獻。是以將帥之臣，審機度時，我武少輯也。卒歲事而告成，功則亦未爲計之失也。回部始末已見於勒銘，葉爾奇木之碑辭不復綴也。特紀者，定之在茲，是以誌歲月而刻石也。

唐書吐蕃傳吐蕃并西洱河諸蠻。盡臣羊同党項諸羌。其地東與松茂嚮接。南極婆羅門。西取四鎮。北抵突厥。幅員餘萬里。漢魏諸戎所無也。

按西洱河。疑卽今葉什勒庫勒淖爾。舊音爲伊西洱庫爾者。其地曾入吐蕃。以大勢論之。吐蕃西取四鎮。而疏勒西盡葱嶺。則自焉耆以西。割據廣遠。亦當以葱嶺爲其邊陲也。

欽定皇輿西域圖志卷之二十八

Blank columns for text in the right-hand page.

欽定皇輿西域圖志卷之二十九目錄

官制一

嘉峪關

安西州

哈密

鎮西府

迪化州

伊犁

庫爾喀喇烏蘇

塔爾巴噶台

附準噶爾舊官制

此處為正文內容，因字跡模糊，難以辨認。可見其為多欄式排版的文獻。

欽定皇輿西域圖志卷之二十九

聖官制

臣等謹按服外荒墟。民稀事簡。伊古蕃王部長。遴簡才傑。以資分理。每於中土。弗賓弗臣。各自為其風氣。故考官聯於遐徼。周秦以前。靡得而聞。漢武通西域。班傳紀載較詳。如烏孫則有將相監吏等官。其餘諸國則自輔國侯都尉以下。而龜茲官屬尤衆。北史載高昌官制。儼若中朝。吐谷渾則有王公僕射尙書郎中將軍之號。回

欽定皇朝西域圖志 卷二十九
紇則有內外將相都督將軍司馬之稱。雖倣中國爲號以名其官。而要皆服畔不常。未必胥隸臣僕。若彼中名目。如葉護。特勒。俟利發。吐毛發。屈律。啜。闐。洪達之屬。聲教曠隔。音譯沿訛。尤難審證。準噶爾居烏孫突厥故壤。游牧分地。卽爲職守。回部於漢爲三十六國地。各有城郭。每城之中。咸設官司。體制攸殊。名號亦別。仰惟聖天子豐庸懋建。全域來歸。撫其地。治其人。開置伊始。凡新疆諸境。制之以將軍督提。守之以監司。

丞倅將佐弁員。旣已挈夫領要。而滋培旣久。郡縣斯設。命官授秩。大小相維。規制尤稱賅備。至準夷舊官名。如圖什墨爾。扎爾扈齊。宰桑諸職。當芟夷蘊崇之餘。無可復倣。應與更新。回部二酋授首後。諸城伯克。望風內附。爰仍舊號。如阿奇木。沙噶納齊以下。釐以中朝之品級。而授職如故。因俗宜民。法良意美。仍統壹於重臣。以督領其事。由是一階一秩。無不自幸爲王人。而非直前世請封置吏。與戊巳骨都。僅存虛號。

者所可比倫萬一矣。品秩既區。掌司咸載。旁徵故實。各以類從。將來稽典屬之班聯。訪西陲之職守。均於是編可詳訂焉。志官制第八。

查天... 會... 當... 舉... 派... 派...

欽定皇輿西域圖志卷之二十九

官制

嘉峪關

巡檢一員。

遊擊一員。

千總二員。

把總二員。

年西域平後如舊制。

按嘉峪關本隸肅州。因為西域新疆門戶。故

首紀關外駐員。以著我

國家控馭邊陲之義。匪今伊昔云。

安西州。

知州一員。乾隆二十四年。西域平。以靖逆安

西。柳溝三衛地。置安西府。統淵泉。玉門。敦煌

三縣。設知府一員。三十八年。改直隸州。以淵

泉縣為州境。設知州。統縣二。玉門。敦煌。

馬蓮井州判一員。乾隆三十八年設。

學正一員。乾隆二十四年。設府教授一員。三

十八年改設。

吏目一員。乾隆二十四年。設府經歷一員。三

十八年改設。

按乾隆二十四年。設有淵泉縣知縣一員。縣

丞一員。訓導一員。典史一員。乾隆三十八年。

改淵泉縣為州境。舊設知縣。縣丞。訓導。典史

俱裁。

安西營叅將一員。

守備一員。

千總二員。

把總四員。以上乾隆二十四年設。二十八年

添把總一員。三十年仍裁。

布隆爾吉都司一員。

千總一員。

把總二員。

瓜州千總一員。以上乾隆二十四年設。

踏實堡都司一員。

把總一員。

橋灣堡都司一員。

把總一員。

雙塔堡千總一員。以上俱原設。乾隆二十四

年後。如舊制。

按百齊堡舊設把總一員。乾隆二十八年裁。

玉門縣。

知縣一員。乾隆二十四年。以靖逆衛地置縣。

裁通判改設。

訓導一員。

典史一員。以上乾隆二十四年設。

靖逆營遊擊一員。

千總一員。

把總二員。

赤金堡都司一員。

把總一員。

惠回堡千總一員。以上俱原設。乾隆二十四

年後。如舊制。

按塔爾灣舊設守備一員。把總一員。乾隆三

十一年裁。

敦煌縣。

知縣三員。乾隆二十四年以沙州衛地置縣。

裁同知改設。

訓導一員。

典史一員。以上乾隆二十四年設。

沙州協副將一員。

左右營都司二員。

左右營千總四員。

左右營把總八員。

黃墩堡千總一員。以上俱原設乾隆二十四年後如舊制。

哈密。

辦事大臣二員。統理諸務。其聽差各員。於駐

防綠營員弁內。隨時酌委。無定額。

印房章京一員。

驍騎校一員。

筆帖式六員。

通判一員。

巡檢一員。以上乾隆二十四年設。

酤水巡檢一員。乾隆三十八年設。

哈密協副將一員。

都司一員。

千總一員。

把總四員。

經制外委六員。

塔爾納沁都司一員。

把總一員。

經制外委一員。以上乾隆二十四年設。

蔡巴什湖把總一員。乾隆二十八年設。

總理回衆郡王一員。管轄五堡回民。承種地

畝。

鎮西府

知府一員。乾隆二十四年。以安西府同知駐

巴爾庫勒。三十八年。置府。改設知府。統宜禾

縣。迪化州。昌吉縣。是年八月。陞迪化爲直隸

州。析昌吉爲州屬。今府統縣二。宜禾。奇臺。

教授一員。

經歷一員。以上乾隆三十八年設。

按巴爾庫勒。舊設巡檢一員。乾隆三十八年

裁。

宜禾縣。

知縣一員。

訓導一員。

典史一員。以上乾隆三十八年設。

奇臺縣。

知縣一員。舊駐通判一員。乾隆四十一年置

縣。改設。

訓導一員。

典史一員。

分駐古城巡檢一員。以上乾隆四十一年設。

按東濟爾瑪台。舊駐巡檢一員。今裁。

叅贊大臣一員。乾隆三十九年設。

滿營協領四員。

亦佐領十六員。

防禦十六員。

驍騎校十六員。

筆帖式二員。以上乾隆三十九年設。

巴爾庫勒總兵一員。乾隆二十四年設。提督

一員。二十九年移駐烏魯木齊。改設總兵。

中營遊擊一員。乾隆二十四年設。叅將一員。

二十九年改設。

守備一員。

千總二員。

把總四員。

經制外委六員。

左營遊擊六員。

守備一員。

千總二員。

把總四員。

經制外委六員。

右營遊擊一員。

守備一員。

千總二員。

把總四員。

經制外委六員。以上乾隆二十四年設。

按乾隆二十四年。原設有前後二營遊擊各

一員。守備各一員。千總各二員。把總各四員。

乾隆二十七年裁。

古城遊擊一員。

千總一員。

把總一員。以上乾隆三十六年設。

木壘守備一員。乾隆三十一年設。

把總二員。一乾隆三十一年設。一乾隆三

十六年設。

漢書匈奴傳置左右賢王。左右谷蠡。左右大將。左右大都尉。左右大當戶。左右骨都候。匈奴謂賢曰屠耆。故常以太子為左屠耆王。自左右賢王以下至當戶。大者萬餘騎。小者數千。凡二十四長。立號曰萬騎。其大臣皆世官。

北史蠕蠕傳心慕中國。立官號僭擬王者。遂有侍中黃門之屬。

按今哈密鎮西府。庫勒。巴爾在漢為匈奴右地。

右賢王將居之。官制自左右賢王以下。畧見漢書。又稱左右賢王各置裨小王。今鎮西府城西北。有漢永和二年。敦煌太守誅呼衍王碑。所謂呼衍王。疑即右賢王所屬。當時分地居此也。蠕蠕慕中國以名官。而境弗內屬。亦與實有其地而設官授職者異矣。

迪化州。

知州一員。乾隆二十五年。於烏魯木齊駐同

知一員。三十八年置州。改設。

學正一員。

吏目一員。乾隆二十五年。設倉大使一員。三

十八年置州。改設。

迪化舊城巡檢一員。乾隆四十一年設。

昌吉縣。

知縣一員。乾隆二十五年。於昌吉駐通判一

員。為寧邊廳。三十八年。改駐州同。尋置縣。改

設。

訓導一員。

典史一員。

分駐景化城巡檢一員。以上乾隆三十八年

設。

綏來縣。

知縣一員。舊以昌吉縣縣丞分駐縣屬之綏

來堡。乾隆四十四年置縣。改設。

訓導一員。

典史一員。以上俱乾隆四十四年設。

阜康縣。

知縣一員。乾隆二十五年。於烏魯木齊屬之

特納格爾。駐縣丞一員。三十八年。改駐州判

一員。四十一年置縣。改設。

分駐濟木薩縣丞一員。乾隆四十一年設。

濟木薩叅將一員。

守備一員。

千總一員。

把總三員。以上乾隆三十六年設。

訓導一員。

典史一員。以上乾隆四十一年設。

分巡鎮迪屯田糧務兵備道一員。乾隆二十

四年設。初駐哈密為安西道。三十八年。改今

名。移駐鎮西府。四十一年移駐迪化州。統轄

鎮西府。安西州。迪化州。並哈密。關展二廳。

按烏魯木齊舊設管理糧務道差缺。於陝甘

兩省滿洲員內調派。三年更換。乾隆三十七年裁。又按關展廳亦兵備道所屬。因地屬山南回部。官制見次卷。

管理烏魯木齊等處事務都統一員。舊係叅贊大臣。乾隆三十八年改設。總理滿洲綠營事務。

副都統一員。
按舊設領隊大臣二員。乾隆四十二年裁。協領六員。

佐領二十四員。

防禦二十四員。

驍騎校二十四員。

九品筆帖式二員。

安西提督一員。乾隆二十七年設副將一員。二十八年改設總兵一員。二十九年移駐巴爾庫勒。改設提督。

中營兼中軍叅將一員。乾隆二十八年設中營遊擊一員。二十九年改設。

中營守備一員。

千總二員。

把總四員。

經制外委四員。以上乾隆二十八年設。

左營遊擊一員。

守備一員。

千總二員。

把總四員。

經制外委四員。以上乾隆二十七年設。

右營都司一員。乾隆二十七年設遊擊一員。

二十八年改設。

守備一員。

千總二員。

把總四員。

經制外委四員。以上乾隆二十七年設。

城守營都司一員。

守備一員。

千總二員。

把總四員。

經制外委六員。以上乾隆二十八年設。

按乾隆三十七年。設有管理額魯特兵總管一員。副總管一員。佐領四員。驍騎校四員。四十二年。移駐塔爾巴噶台。見後條。

卡倫侍衛三員。自京調往。三年更換。

管理臺站屯政厰務文官各員。或由陝甘省除派。或由伊犁調撥。無常員定額。不備載。

按自西域底平。嘉峪關外安西。靖逆兩廳。始

改設府縣。其由哈密巴爾庫勒以西。建置尙未之及。十數年來。生養涵濡。殷庶侔於內地。絃歌徹於邊徼。

上因置吏建設學校之請。次第開置郡縣。若守若牧。令若師儒官。大小咸秩。又移駐道員以資表率。添設丞倅以備勤宣。邊境規模。倍昭閎遠。考今鎮西府迪化州所屬諸境。在漢爲匈奴烏孫地。未隸中國版圖。唐雖建有伊西州都護府。而初則與沙陀回紇相因依。繼緣吐蕃

侵擾。北庭安西。並歸淪陷。宋明之世。退蔥閉關。棄同甌脫。更無足論。我

國家聲教遐被。化荒裔為名都。雄州緊縣。鱗次櫛比。受篆分符。與內地職官無少異。卓乎曠古罕倫矣。

伊犁。

總統伊犁等處將軍一員。乾隆二十七年設。統轄天山南北各新疆地方。駐防官兵遣調事務。

叅贊大臣一員。官乾隆二十五年設。

印房司官二員。

印房筆帖式二員。

糧餉處司官二員。

糧餉處筆帖式一員。

駝馬處司官一員。

駝馬處筆帖式一員。

卡倫侍衛十二員。以上俱自京調往。三年

更換。

撫民理事同知一員。乾隆三十一年設。
管倉同知一員。

廳官一員。以上由陝甘省除派。三年更換。
惠遠城巡檢一員。乾隆三十三年設。

惠寧城巡檢一員。乾隆三十三年設。初駐綏
寧城。三十七年移駐。

領隊大臣六員。一員駐惠寧城。五員駐惠遠
城。分統駐防滿洲蒙古。錫伯。索倫。達呼爾。察

哈爾。額魯特。官兵游牧諸務。

額設署理營務筆帖式十員。滿洲蒙古營

二員。錫伯營二員。索倫達呼爾營二員。察哈

爾營二員。額魯特營二員。

分理惠遠城。滿洲。蒙古兵協領八員。

佐領四十員。

防禦四十員。

驍騎校四十員。

分理惠寧城。滿洲。蒙古兵協領四員。乾隆三

十五年設三員。尋裁一員。三十六年添設二

員。

佐領十六員。乾隆三十五年設十三員。尋

添設一員。三十六年添設二員。

防禦十六員。

驍騎校十六員。以上乾隆三十五年設。

分理錫伯兵總管一員。共副四員。

副總管一員。

佐領八員。乾隆三十年設六員。三十二年

添設二員。

驍騎校八員。乾隆三十年設六員。三十二

年添設二員。

分理索倫達呼爾兵總管一員。

副總管一員。

佐領八員。乾隆二十九年設六員。三十二

年添設二員。

驍騎校八員。乾隆二十九年設六員。三十

二年添設二員。

分理察哈爾兵總管二員。

副總管二員。

佐領十六員。乾隆二十八年。設十二員。三

十二年。添設四員。

驍騎校十六員。乾隆二十八年。設十二員。

三十二年。添設四員。

分理額魯特兵總管二員。乾隆二十五年。設

一員。三十年。添設一員。

副總管三員。乾隆二十五年。設一員。三十

年。添設一員。三十七年。添設一員。

佐領二十員。乾隆二十五年。設六員。三十

年。添設六員。三十二年。添設二員。三十五

年。添設二員。三十七年。添設四員。

驍騎校二十員。乾隆二十五年。設六員。三

十年。添設六員。三十二年。添設二員。三十

五年。添設二員。三十七年。添設四員。

按滿洲。蒙古。錫伯。索倫。達呼爾。察哈爾。額魯特。各營內。有給七品頂帶之領催。委前鋒校。有給六品頂帶在卡倫侍衛上行走之領催。

非營制正額。不備載。

總理回務一等台吉三品阿奇木伯克一員。統理所屬地方諸務。

四品伊沙噶伯克一員。協理所屬地方諸務。

五品噶匝納齊伯克二員。管理地畝糧賦。

五品商伯克二員。管理徵輸糧賦。

六品哈子伯克一員。管理訟詞。

六品都官伯克一員。管理遞送兵馬口糧文卷。一切官物分攢差務。

七品密喇布伯克六員。管理灌田水利。

七品明伯克六員。管理徵輸千戶糧賦并一切雜務。

七品什和勒伯克一員。管理驛館薪芻諸務。

七品帕察沙布伯克一員。管理巡緝提牢諸務。

七品玉資伯克一員。管理徵輸百戶糧賦。并

一切雜務。自阿奇木以下。分職與回部

同。凡屯種回人。悉歸管理。

管理臺站屯政文武各員。卽於駐防官員內派撥。或由陝甘省調往。兼理水碾鉛廠等務。無常員定額。不備載。

庫爾喀喇烏蘇。

辦事大臣一員。乾隆二十七年設。

管理糧餉官一員。由陝甘省除派。

管理臺站屯政文武各員。或由陝甘省除派。或由伊犁烏魯木齊等處調撥。無常員定額。不備載。

塔爾巴噶台。

叅贊大臣一員。

領隊大臣一員。以上乾隆三十年設。

印房章京四員。

筆帖式三員。

卡倫侍衛六員。

驍騎校二員。

護軍叅領九員。以上自京調往。三年更換。

管理糧餉官一員。由陝甘省除派。

管理額魯特兵總管一員。

副總管一員。

佐領四員。

驍騎校四員。以上乾隆四十二年。自烏魯

木齊移駐。

管理臺站屯政文武各員。或由陝甘省除派。或由伊犁烏魯木齊等處調撥。無常員定額。不備載。

附準噶爾部舊官制。

台吉。準噶爾全境。分四衛拉特。各有首領。以雄據之。尊其名曰大台吉。猶前代諸蕃郎主之號也。四衛拉特皆有大台吉。而綽羅斯尤爲之長。其大台吉亦稱汗王。餘小台吉皆汗王之宗屬爲之。大台吉官屬。自圖什墨爾以下。小台吉官屬。自宰桑以下。二十一昂吉境內。別設台吉居住。以統領游牧。謂之六游牧台吉焉。

圖什墨爾。係準噶爾參決政事之臣。樞筭機

務之要職。凡六游牧。二十一昂吉。大小政務。經宰桑辦理。以告圖什墨爾。詳悉定議。上告台吉。然後施行。其員缺有四。

扎爾扈齊。此佐圖什墨爾理事者也。兼辦一切刑名賊盜案件。員缺有六。蓋次於圖什墨爾云。

德墨齊。內則佐台吉以理家務。外則抽收牧廠稅務。差派征收山南回部徭賦。接待布魯特使人。其員缺有二。

宰桑。管理一鄂拓克事務。或一宰桑管一鄂拓克。或三四宰桑管一鄂拓克。事無大小。胥受成焉。

德木齊。係管理鄂拓克內。自一百戶以上至二百戶事務。

收楞額。係佐德木齊管理鄂拓克事務者。

阿爾班呢阿哈。係佐收楞額辦理鄂拓克事務者。

按凡一鄂拓克中。大者有宰桑。其次德木齊。

其次收楞額。最下阿爾班呢阿哈。共四等。

阿爾巴齊宰桑。係承辦二十四鄂拓克二十

一昂吉差貢事務。其員缺有四。

阿爾巴齊。係隨阿爾巴齊宰桑各處催差者。

約有百員。

庫圖齊納爾。係承辦大台吉一切蒙古包及

搭支帳房之屬。

扎哈沁。係防守邊界。坐卡倫。巡查訪察一切事務。

烏魯特。係管鐵匠鑄造器械者。

阿爾塔沁。係司繪塑佛像一切事務。

包齊那爾。係管理軍營鎗礮等項事務。

包沁。專司礮者。

右制自台吉以下。各有部分。宰桑以下。各有游牧處所。及所轄人戶。考其舊制。有四衛拉特。二十四鄂拓克。九集賽。二十一昂吉之名。並紀於後。

舊四衛拉特。

金定皇朝西域圖志 卷二十九
綽羅斯。都爾伯特。和碩特。土爾扈特。
後四衛拉特。

綽羅斯。都爾伯特。和碩特。輝特。

按策妄阿拉布坦時。與土爾扈特構釁。土爾扈特因率其所部西北去。乃名輝特爲四衛拉特之一。四衛拉特分統準噶爾全部。各有台吉。而綽羅斯尤爲之長。

舊十二鄂拓克。

烏魯特。四宰桑。人五千戶。爲一鄂拓克。

喀拉沁。一宰桑。人五千戶。爲一鄂拓克。

額爾克騰。一宰桑。人五千戶。爲一鄂拓克。

克里野特。二宰桑。人六千戶。爲一鄂拓克。

卓托魯克。一宰桑。人三千戶。爲一鄂拓克。

布庫斯。一宰桑。人三千戶。爲一鄂拓克。

阿巴噶斯哈丹。各一宰桑。共人四千戶。爲一

鄂拓克。

鄂畢特。一宰桑。人三千戶。爲一鄂拓克。

鄂羅岱。二宰桑。人三千戶。爲一鄂拓克。

多果魯特。一宰桑。人四千戶。為一鄂拓克。

霍爾博斯。一宰桑。人三千戶。為一鄂拓克。

綽和爾。一宰桑。人三千戶。為一鄂拓克。

後十二鄂拓克。

巴爾達木特。三宰桑。人四千戶。為一鄂拓克。

庫圖齊納爾。五宰桑。人四千戶。為一鄂拓克。

噶爾雜特。三宰桑。人四千戶。為一鄂拓克。

沙拉斯。二宰桑。人三千戶。為一鄂拓克。

嗎噶斯。一宰桑。人五千戶。為一鄂拓克。

布庫努特。一宰桑。人二千戶。圖古特。一宰桑。

人五百戶。為一鄂拓克。

烏拉特。一宰桑。人三千戶。為一鄂拓克。

阿爾塔沁。一宰桑。人五千戶。為一鄂拓克。

扎哈沁。三宰桑。人二千戶。包沁。三宰桑。人一

千戶。為一鄂拓克。

奇爾吉斯。四宰桑。人四千戶。為一鄂拓克。

特楞古特。四宰桑。人四千戶。鄂爾楚克。一宰

桑。人五百戶。烏爾罕濟蘭。一宰桑。人八百

戶爲一鄂拓克。

明阿特。二宰桑。人三千戶。爲一鄂拓克。

舊五集賽。

阿克把集賽。二宰桑。人四千戶。

賚嗎里木集賽。二宰桑。人一千戶。

杜爾把集賽。一宰桑。人一千戶。

推素隆集賽。一宰桑。人一千戶。

伊克胡拉爾集賽。一宰桑。人一千戶。

後四集賽。

溫都遜集賽。一宰桑。人一千戶。

善披領集賽。一宰桑。人一千戶。

桑堆集賽。一宰桑。人三百戶。

品陳集賽。一宰桑。人三百戶。

二十一昂吉。

達瓦齊一昂吉。

達什達瓦一昂吉。

多爾濟丹巴一昂吉。

噶爾藏多爾濟一昂吉。

訥默庫濟爾噶爾一昂吉。

鄂齊爾烏巴什一昂吉。

策凌一昂吉。

達什一昂吉。

伯什阿哈什一昂吉。

沙克都爾曼濟一昂吉。

塔爾巴哈沁薩音伯勒克一昂吉。

和通額默根一昂吉。

多羅特舍楞一昂吉。

皇土以敦多克一昂吉。

巴雅爾一昂吉。

車凌班珠爾一昂吉。

巴圖爾額默根一昂吉。

阿睦爾撒納一昂吉。

諾海奇齊克一昂吉。

巴圖爾烏巴什一昂吉。

敦都布一昂吉。

按鄂拓克為汗之屬。昂吉為各台吉戶屬。鄂

拓克游牧之地。環於伊犁。昂吉游牧地。又環諸鄂拓克之外。準部一切供賦。及重大差務。則鄂拓克承輸。若零星供給。合二十四鄂拓克。二十一昂吉均輸焉。鄂拓克視八旗都統。昂吉視外省督撫。昂吉者準語部分也。集賽專理喇嘛事務。初爲五集賽。後增其四。成九集賽。亦各領以宰桑。畧如鄂拓克之制。乾隆二十年。達瓦齊執歸京師。準夷全部內屬。皇上以取亂侮亡之義。行興滅繼絕之仁。四衛拉特

各封一汗。官則仍其舊制。易以新銜。授四圖什墨爾爲內大臣。授六扎爾扈齊爲散秩大臣。以管理鄂拓克昂吉之事。未嘗有其地而遽易其俗也。奈舊部稔惡。構煽相尋。

天厭其亂。一苞三蘖。漸卽誅夷。洎乎掃穴犁庭。設官更始。無復舊規。固因其悖德擾紀。不獲延承世裔。而化芻昧爲光明。冠裳圭組之盛。有當爲衛拉遺黎。幸逢斯會者。而我

國家茂集膚功。萬年篤祐之由來。洵非人力所能

幾及矣。

〔漢書西域傳〕都護韓宣奏烏孫大吏大祿大監皆可以賜金紫印綬。以尊輔大昆彌。許之。

〔唐書回鶻傳〕鐵勒十一部皆來。言願歸命天子。請置唐官。引見渠長等。以唐官官之。皆以酋領爲都督刺史。其都督刺史。給元金魚符。黃金爲文。

此西域之臣受中國官者。

〔漢書西域傳〕烏孫國。相大祿。左右大將二人。侯

三人。大將。都尉各一人。大監二人。大吏一人。舍中大吏二人。騎君一人。岑陬者。官號也。昆莫。王號也。後書昆彌云。烏貪訾離國。輔國侯。左右都尉各一人。單桓國。輔國侯。將。左右都尉。譯長各一人。蒲類國。輔國侯。左右將。左右都尉各一人。蒲類後國。輔國侯。將。左右都尉。譯長各一人。

〔北史突厥傳〕大官有葉護。次特勒。次俟利發。次吐毛發。及餘小官。凡二十八等。皆世爲之。處羅

可汗分統所部。居龜茲北。官有俟發。闐洪達。以評議國事。

唐書突厥傳突厥別部。典兵者曰設。子弟曰特勒。大臣曰葉護。曰屈律啜。曰阿波。曰俟利發。曰吐屯。曰俟斤。曰闐洪達。曰頡利發。曰達干。皆世其官。而無員限。回鶻傳回鶻署官吏。壹似突厥。有外宰相六。內宰相三。又有都護。將軍。司馬之號。堅昆國。其官宰相。都督。職使。長史。將軍。達干。六等。宰相七。都督三。職使十。皆典兵。長史十

五將軍。達干無員。

此西域之設官於本國者。

接史傳所載。漢烏孫。唐突厥。諸官職。或倣中國名字。或仍本國舊號。大率畧而弗備。準部爲突厥故墟。而史傳所載葉護。特勒。屈律啜。俟利發。諸名。不特與準語絕殊。卽推之蒙古回部西番。均不相合。世代曠渺。流傳判異。有難於牽合附麗者。至於班史稱烏孫大吏等。皆賜金紫印綬。其時雖受漢官。而仍爲彼國

之臣以用事。今準夷全部。滌瑕蕩穢。建官分職。與之更始。至治維新。我聖朝措置規爲。誠度越漢唐遠矣。

欽定皇輿西域圖志卷之二十九

